

**«Երևանի Լեռնի անվան հ.65 ավագ դպրոց» ՊՈԱԿ**

**Վերապատրաստվող ուսուցչի**

**Հետազոտական աշխատանք**

**Առարկա՝**

Կենսաբանություն

**Թեմա՝**

Սովորողների մոտ, նախաձեռնողականության և ստեղծագործական ունակությունների զարգացման ձևավորումը կենսաբանության դասավանդման ընթացքում

**Հետազոտող ուսուցիչ՝**

Արևիկ Մեծլումյան

Ք.Արարատ, Թիվ 5 միջնակարգ դպրոց

**Վերապատրաստող՝**

Ալվարդ Կարապետյան

Արարատ 2022

## ԲՈՎԱՆԴԱԿՈՒԹՅՈՒՆ

Բովանդակություն .....	2
Ներածություն .....	3
Նախաձեռնողականության և ստեղծագործական ունակությունների զարգացման ձևավորումը սովորողների մոտ.....	4
Պետական չափորոշային պահանջները.....	4
<<Բնության պահպանություն>> թեման ուսումնասիրելիս նախաձեռնողականության և ստեղծագործական ունակությունների զարգացման ձևավորումը.....	5
<<Աղբն ու մոլորակը>>.....	9
Եզրակացություններ.....	10
Առաջարկություններ.....	11
Գրականության ցանկ .....	11

## Ներածություն

Ժամանակակից հասարակությունը կարիք ունի բազմակողմանի զարգացած ստեղծագործ անհատների, քանի որ նրանք ունեն հարմարվողականության և սոցիալականացման ավելի բարձր մակարդակ և ավելի շատ են համապատասխանում անընդհատ փոփոխվող և նորացվող աշխարհին:

Կրթության հիմնական նպատակն է երիտասարդ սերնդին ապագային նախապատրաստելը: Ստեղծագործելը այն ուղին է, որը կարող է արդյունավետ կերպով իրականացնել այս նպատակը: Ստեղծագործ անձի կրթության ինտեգրված մոտեցումը ներառում է ընդհանուր գեղագիտական և բարոյական դաստիարակության խնդիրներին վերաբերող հարցերի լայն շրջանակ: Գաղափարական աշխարհայացքային, հոգևոր և գեղարվեստական արժեքների անքակտելի միասնությունը էական պայման է աճող անձի,բազմակողմանի զարգացման և ներդաշնակության համար;

Ըստ Մարկ Ֆիշերի, միշտ ստեղծագործ լինել նշանակում է լինել ամենակարող: Չկա ավելի լավ և ապագայի համար ավելի ապահով երաշխիք, քան ամեն անգամ ստեղծագործելու ունակությունը,անհրաժեշտության դեպքում ,ցանկացած պահի լինել պատրաստ որոշել խնդրահարույց հարցեր և մշակել նոր հասկացություններ:

**Նախաձեռնողականության և ստեղծագործական ունակությունների  
զարգացման ձևավորումը սովորողների մոտ  
Պետական չափորոշչային պահանջները**

Ըստ հանրակրթության պետական չափորոշչային պահանջի ճկուն, բազմակողմանի զարգացած, ստեղծագործող, նախաձեռնող անձ ձևավորելու համար պետք է սովորողների հետ աշխատել սկսած նախադպրոցական ուսումնական հաստատություններից, ապա շարունակել դպրոցներում և բարձրագույն ուսումնական հաստատություններում: Սովորողները պետք է կարողանան տեսնել գեղեցիկը և գնահատել այն, ձևավորեն գեղագիտական ճաշակ ,

կարողանան ինքնուրույն և մյուսների հետ համատեղ սովորել, գործել կյանքի տարբեր իրավիճակներում, ճանաչեն իմացածի և չիմացածի սահմանները, ինքնակազմակերպվեն և ձևավորեն ժամանակի արդյունավետ կառավարման հմտություն: Սովորելու ընթացքում աշակերտները ձևավորեն բազմակողմանի ուսումնասիրելու, վերլուծելու, ինչպես նաև ստեղծագործական ու նորարար մոտեցումներ կիրառելու ունակություն, ինքնակազմակերպման միջոցով ձգտեն ինքնաճանաչման, նրանք ձևավորեն վստահություն սեփական ուժերի և կյանքի հանդեպ, հաջողությամբ կառավարեն սեփական ժամանակը, գիտելիքներն ու հմտությունները, ինչպես նաև ապահովեն մասնագիտական կողմնորոշում, ցուցաբերեն ինքնուրույն որոշումներ կայացնելու, դրանք իրագործելու ունակություն և հետևանքների համար պատասխանատու լինելու պատրաստակամություն, տիրապետեն մեղիա արտադրանք ստեղծելու տեխնիկական և ստեղծագործական հմտություններին,

ինչպես նաև կարողանան արդյունավետորեն կիրառել մեղիա գործիքները և այլն:

Կենսաբանության դասավանդման ընթացքում վերը նշված ունակությունների ձևավորումը առավել հեշտ ու արդյունավետ կլինի հետազոտական, նախագծային աշխատանքների, կազմակերպված էքսկուրսիաների ժամանակ;

Մարդ արարածը լինելով բնության մի մասնիկը նրա մեջ ցանկացած բնույթի կարողություն, հմտություն, արժեհամակարգ և ունակություն հեշտ կլինի ձևավորել բնության երևույթների, բնապահպանական հիմնախնդիրների ուսումնասիրման արդյունքում:

**<<Բնության պահպանություն>> թեման ուսումնասիրելիս նախաձեռնողականության և ստեղծագործական ունակությունների զարգացման ձևավորումը**

## Դասի պլան

**Թեմա՝ Բնության պահպանություն**

**Թեմայի նպատակը՝** Աշակերտներին ծանոթացնել բնապահպանական հիմնախնդիրներին՝ օդի, ջրի, հողի, կենսաբազմազանության:

**Վերջնարդյունք՝**

. Կարողանա իրականացնել էկոլոգիական տեղեկատվության հավաքագրում

. Կարողանա բացատրել բնության պահպանության հիմնախնդիրների առաջացման պատճառները, հետևանքները

- . Կարողանա տեսնել բնության փոփոխությունների և մարդու գործունեության միջև եղած պատճառահետևանքային կապերը
- . Կանխագուշակել էկոլոգիական իրավիճակները
- . Դասակարգել տեղեկատվական նյութեր
- . Արժևորի շրջակա միջավայրի պահպանությունը, բնության հետ ներդաշնակ ու առողջ ապրելու անհրաժեշտությունը, իր դերը բնության պահպանության խնդիրների լուծման գործում:

**<<Բնության պահպանություն>> թեմայի իրականացումը նախագծային տեխնոլոգիայի միջոցով:**

**Նախագծի փուլերը**

- . Նախապատրաստական փուլ
- . Պլանավորման փուլ
- . Կազմակերպչական - հետազոտական փուլ
- . Արդյունքների ներկայացման փուլ

**Նախապատրաստական փուլը** իր մեջ ներառում է հետևյալ քայլերը՝  
Ուսուցիչը՝

- . Ներկայացնում է բնության պահպանման ձևերը՝ փայտահատիչների՝ օդի, ջրի, հողի, կենսաբազմազանության հիմնախնդիրները՝ ուսումնական ֆիլմերի կամ դասախոսության միջոցով, ապահովելով սովորողների հետաքրքրությունը
- . Ծանոթացնում է սովորողներին նախագծային տեխնոլոգիային
- . Ձևավորում է նախագծային խմբեր՝ հաշվի առնելով սովորողների հետաքրքրությունը, անհատական կարողությունները
- . Հստակեցնում է ձևավորված խմբերում կատարվելիք աշխատանքները
- . Ընտրվում է յուրաքանչյուր խմբի ղեկավար

Որոշվում է յուրաքանչյուր խմբի անելիքները՝ չափորոշչային պահանջներին համապատասխան: Օրինակ՝ ներկայացվում է <<Օդ>> խմբին օդի առկա հիմնախնդիրները 3 ուղղություններով՝ օգոնային շերտի պահպանություն, ջերմոցային էֆեկտ, թթվային տեղումներ:

### **Պլանավորման փուլ**

. Առաջարկվում են վարկածներ, հիմնախնդրի լուծման համար

. Քննարկվում են հնարավոր արդյունքները

Որոշվում է աշխատանքների իրականացման ժամկետները՝ վերջնական և միջանկյալ (ժամանակացույց)

. Բաշխվում են մասնակիցների միջև ուսումնական խնդիրները

. Կազմում են աշխատանքային պլան

. Աշակերտների նախաջեռնությամբ իրականացվում է տեղեկատվության հավաքագրում իրենց նախընտրած գրականության ցանկի համապատասխան:

### **Հետազոտական փուլ**

Այն իր մեջ ներառում է հետևյալ քայլերը

. Հավաքվում և մշակվում է տեղեկատվություն (տեղեկատվության աղբյուրներ կարող են լինել հարցումներ, դիտարկումներ, փորձ, թղթակցություն, ինչպես նաև գրքերը, պարբերական հրատարակությունները, համացանցը)

. Պատրաստվում են եզրահանգումներ՝ հիմնավորվում ընտրված թեման, կազմում աղյուսակներ, պատկերում պաստառներ

. Ձևակերպվում են հետազոտական արդյունքները

. Պատրաստվում է կատարված աշխատանքի ներկայացմանը՝ զեկույցի և փոխադարձ քննարկման միջոցով:

### **Արդյունքների ներկայացման փուլ**

Այն իր մեջ ներառում է հետևյալ քայլերը

. Արդյունքների շնորհանդեցի նախապատրաստում

. նախագծային աշխատանքիկ արդյունքների ցուցադրում՝ շնորհանդես

. Նախագծման ընթացքում կատարված աշխատանքների գնահատում ամբողջ խմբի և յուրաքանչյուր մասնակցի համար:

Սովորողները իրենց նախաձեռնությամբ, ցուցաբերելով ստեղծագործաբար մոտեցում, օգտվելով իրենց նախընտրած տեղեկատվության աղբյուրներից, գրքերից, համացանցից, տարբեր հոդվածներից, կարողացել են փնտրել ու գտնել իրենց առջև դրված խնդիրների լուծման ուղիները: Առանձին խմբերի անդամները խմբի ներսում սերտ համագործակցության արդյունքում կարողացել են հաղթահարել ծագած դժվարությունները և հասնել իրենց նպատակին: Աշակերտները կարողացան կարճ ու բովանդակալից ներկայացնել, թե ինչու է կարևոր պահպանել բնությունը, մթնոլորտային օդը, ջրային ու հողային ռեսուրսները, բուսական ու կենդանական աշխարհը, նշեցին օդի, ջրի, հողի, բույսերի ու կենդանիների դերը, անհրաժեշտությունը մարդու կյանքում: Ներկայացրեցին, թե մարդը ինչ բացասական ազդեցություն է ունենում դրանց վրա, թե ինչպես է անխնա ոչնչացնում թթվածնի աղբյուր հանդիսացող անտառները, աղտոտում մթնոլորտային օդը արդյունաբերական գործարանների և ավտոմեքենաների արտանետած թունավոր գազերով, թե ինչ վնաս են հասցնում էլեկտրաէներգիա արտադրող ատոմաէլեկտրոկայանները, բացատրեցին գլոբալ տաքացման կրթվային տեղումների պատճառները: Նշեցին նաև, որ մարդիկ իրենց շահույթից ելնելով զբաղվում են որսագողությամբ և անթույլատրելի ձկնորսությամբ, որ կենցաղային աղբը և արդյունաբերական թափոնները



մեծ վնաս են հասցնում ջրային ավազաններին, այնտեղ ապրող կենդանիներին, աճող բույսերին: Վերջում երեխաները առաջարկեցին տարբեր ճանապարհներ, որոնց միջոցով կկարողանան բարելավել մեր մոլորակի վիճակը: Առաջարկեցին կտրած մեկ ծառի փոխարեն տնկել տասը տնկի, էլեկտրական էներգիա ստանալու համար համատարած օգտագործել արևային մարտկոցներ, խիստ ձևով պատժեն որսագողությունը, անթույլատրելի ձկնորսությունը և այլն:

### Աղբն ու մոլորակը

Նախագծային աշխատանքին պատրաստվելու ընթացքում կրտսեր ընկերներին իր աջակցությունն է հայտնել ավագ դպրոցի աշակերտուհի Լիլիթ Հարությունյանը: Նա իր նախաձեռնությամբ ներկայացրեց «Աղբն ու մոլորակը» թեմայով սալիկահանդես: Նա խոսեց աղբի և թափոնի տարբերության, աղբից ազատվելու եղանակների մասին: Ներկայացրեց, որ աղբ է կոչվում այն, ինչը հ նարավոր չէ մշակել, իսկ այն ինչը հնարավոր է մշակել կոչվում է թափոն: Նա խոսեց նաև աղբի տեսակավորման կարևորության մասին, որը պետք է իրականացնի յուրաքանչյուր անձ իր ընտանիքում և աստիճանաբար այն դարձնի որպես մշակույթ:

Եւ վերջում չմոռանանք նշել, որ պահպանել բնությունը նշանակում է պահպանել մեր տունն ու հայրենիքը:

## Եզրակացություն

Նախաձեռնողականության և ստեղծագործական ունակությունների ձևավորման արդյունքում սովորողների մոտ առաջանում է.

\*Նոր գաղափարներ ստեղծելու ունակություն

\*մտքի սահունություն, ճկունություն

\*հետաքրքրասիրության առաջացում գիտության նկատմամբ

\*երևակայության զարգացում

\*անկաշկանդ խոսքի ձևավորում

\*վստահության, ինքնուրույնության ձևավորում

\*համագործակցելու ունակության ձևավորում

\*պատճառահետևանքային կապերը վերլուծելու և որոշումներ կայացնելու հմտություն

\*ուրիշների հետ համատեղ կամ ինքնուրույն նախագծեր իրականացնելու կարողություն և այլն:

## Առաջարկություն

Ամփոփման փուլում երեխաները ցանկություն հայտնեցին էքսկուրսիա կազմակերպել, այցելել՝

\* բնության թանգարան,

\*Խոսրովի Արգելոց,

\*արդյունաբերական տարբեր գործարաններ:

## Գրականության ցանկ

1. Ա. Գասպարյան, Ռ. Մկրտչյան, Լ. Վալեսյան, <<Բնօգտագործում և բնապահպանություն>>
2. Կարինե Զիրուխյան, <<Սովորողների ստեղծագործական ունակությունների ձևավորում>>
3. Մ. Դավթյան, (2010), <<Շրջակա միջավայր և բնապահպանություն>>
4. Նախաշավիղ N3 , (2013)